



Javno preduzeće  
**ELEKTROPRIVREDA BOSNE I HERCEGOVINE**  
d.d. - Sarajevo

Na osnovu člana 231. i člana 249. Zakona o privrednim društvima ("Službene novine Federacije BiH" br. 81/15 i 75/21) i člana 55. Statuta Javnog preduzeća Elektroprivreda Bosne i Hercegovine d.d. - Sarajevo (prečišćeni tekst), broj: NO-2190/21 - 41/2. od 25.01.2021. godine i Statuta o dopuni Statuta Javnog preduzeća Elektroprivreda Bosne i Hercegovine d.d. - Sarajevo broj: SD-20745/21-70/6. od 30.07.2021. godine, Nadzorni odbor Javnog preduzeća Elektroprivreda Bosne i Hercegovine d.d. - Sarajevo, objavljuje:

### OB AVJEŠTENJE

o prijedlozima dioničara sa preko 5% dionica sa pravom glasa za izmjenu i dopunu dnevnog reda Sedamdeset i druge (vanredne) Skupštine JP Elektroprivreda BiH d.d. - Sarajevo zakazane za 26.04.2022. godine

I Nadzorni odbor Javnog preduzeća Elektroprivreda Bosne i Hercegovine d.d. - Sarajevo donio je Odluku o sazivanju Sedamdeset i druge (vanredne) Skupštine Društva broj: NO-9801/22-81/1.2. od 05.04.2022. godine. Skupština Društva je sazvana za 26.04.2022. godine. Obavještenje o sazivanju Sedamdeset i druge (vanredne) Skupštine Društva je objavljeno u dnevnim novinama „Dnevni avaz“ i web stranici Javnog preduzeća Elektroprivreda Bosne i Hercegovine d.d. - Sarajevo, dana 07.04.2022. godine.

II Grupa dioničara sa preko 5% dionica je, u zakonskom roku, dana 15.04.2022. godine, podnijela Zahtjev za izmjenu i dopunu dnevnog reda Sedamdeset i druge (vanredne) Skupštine JP Elektroprivreda Bosne i Hercegovine broj: I-464/22, kojim se predlaže da se dnevni red dopuni tako da se iza tačke 4. dnevnog reda dodaju tačke 5. i 6. koje glase:

“5. Donošenje Odluke o razrješenju člana Nadzornog odbora ispred privatnog kapitala, radi gubitka povjerenja dioničara.”

“6. Donošenje Odluke o izboru i imenovanju člana Nadzornog odbora ispred privatnog kapitala.”

Radi gubitka povjerenja dioničara predlaže se razrješenje člana Nadzornog odbora mr.sci Hasena Mašovića.

Za člana Nadzornog odbora predložen je kandidat Ivan Grzić.

Biografija predloženog kandidata sa potrebnim informacijama i dokumentacijom je dostupna na web stranici Društva ([www.elektroprivreda.ba](http://www.elektroprivreda.ba)).

III Prema prijedlozima navedenim pod tačkom II ovog Obavještenja, Nadzorni odbor JP Elektroprivreda BiH d.d. - Sarajevo je na 82. vanrednoj sjednici, održanoj 19.04.2022. godine donio Odluku o izmjeni i dopuni Odluke o sazivanju Sedamdeset i druge (vanredne) Skupštine JP Elektroprivreda BiH d.d. - Sarajevo, tako da dnevni red Sedamdeset i druge (vanredne) Skupštine glasi:

- Izbor radnih tijela Skupštine Društva:
  - Predsjednika,
  - zapisničara i dva ovjerivača zapisnika;
- Donošenje Plana poslovanja JP Elektroprivreda BiH d.d. - Sarajevo za period 2022. - 2024. godina,
- Donošenje Odluke o osnivanju društva sa ograničenom odgovornošću MiOD d.o.o. Tuzla;
- Donošenje Odluke o odobravanju Statuta MiOD d.o.o. Tuzla,
- Donošenje Odluke o razrješenju člana Nadzornog odbora Javnog preduzeća Elektroprivreda Bosne i Hercegovine d.d. - Sarajevo ispred privatnog kapitala radi gubitka povjerenja dioničara,
- Donošenje Odluke o izboru i imenovanju člana Nadzornog odbora Javnog preduzeća Elektroprivreda BiH d.d. - Sarajevo ispred privatnog kapitala.

Ovo Obavještenje objavljeno je i na web stranici Društva ([www.elektroprivreda.ba](http://www.elektroprivreda.ba)).

Nadzorni odbor